

ბრძანებები

რესპუბლიკის ჯარების მიძარტ.

3 ივნისი 1919 წ. ქალ. ტფილისი.

№ 122

მთავარ მოწამის და ძღვევამოსილის წმ. გიორგის ორდენის სტატუტის მე-118 მუხ. თანახმად, ვიარსებ სამხედრო სამინისტროსთან გიორგის იარაღის სათათბიროს ჩემს განკარგულებაში მყოფ ინფანტერიის გენერალ გაბაშვილის თავმჯდომარეობით და შემდეგ წევრთა შემადგენლობით:

- 1) გენერალურ შტაბის განყოფილების სარემონტო სექციის უფროსის გენერალ-მაიორ ჭავჭავაძის (სპირიდონი),
- 2) ჩემს განკარგულებაში მყოფ გენერალ-მაიორ ჩხეტიანის,
- 3) მე-5 ქვეითა პოლკის უფროსის გენერალ-მაიორ ბალუაშვილის,
- 4) გენერალურ შტაბის განყოფილების საოპერაციო-სამომხმარებლო ნაწილის უფროსის პოლკოვნიკ ნაცვლიშვილის,
- 5) მე-2 ცხენოსან პოლკის პოლკოვნიკ ანდრონიკაშვილის,
- 6) მე-5 ქვეითა პოლკის პოლკოვნიკ შერვაშიძის,
- 7) სამხედრო სამინისტროს პირველ შემადგენლობის განყოფილების უფროსის თანაშემწის პოდპოლკოვნიკ უთნელიშვილის და
- 8) მე-2 საარტილერიო ბრიგადის პოდპოლკოვნიკ მგალობლიშვილისა-გან.

სხდომების დღეები თავმჯდომარის დანიშვნის თანახმად.

3 ივნისი 1919 წ. ქალ. ტფილისი.

№ 123

მთავარ-მოწამის და ძღვევამოსილის წმ. გიორგის ორდენის სტატუტის მე-29 მუხ. თანახმად, ვიარსებ სამხედრო სამინისტროსთან გიორგის სათათბიროს ჩემს განკარგულებაში მყოფ ინფანტერიის გენერალ გაბაშვილის თავმჯდომარეობით და შემდეგ წევრთა შემადგენლობით:

ჩემს განკარგულებაში მყოფ გენერალ-მაიორების: არჯევანიძის, გელოვანის, მაზნიაშვილის, გენერალურ შტაბის განყოფილების სარემონტო სექციის უფროსის გენერალ-მაიორ ჭავჭავაძის (სპირიდონ), მე-2 ქვეითა დივიზიის უფროსის გენერალ-მაიორ ფურცელაძის, საავიაციო რაზმის უფროსის პოდპოლკოვნიკ მაჭავარიანის, მე-5 ქვეითა პოლკის პოდპოლკოვნიკ შესბის და მე-2 საარტილერიო ბრიგადის 1-ლ ბატერიის უფროსის კაპიტან მახარაძისაგან.

სხდომების დღეები თავმჯდომარის დანიშვნის თანახმად.

3 ივნისი 1919 წ. ქალ. ტფილისი.

№ 124

საუწყებათაშორისო კომისიის ამ წლის 23 მაისიდან დაშლის გამო, დასახელებული კომისიის წევრი, ჩემს განკარგულებაში მყოფი, გენერალ-მაიორი ჩხეტიანი დაუბრუნდეს თავის პირდაპირ მოვალეობათა აღსრულებას და დღიური ხარჯის ფულის ძლევა შეუწყდეს მას აღნიშნულ რიცხვიდან.

10 ივნისი 1919 წ. ქ. ტფილისი.

№ 125

მომავალ ექვსი თვის (ამა წლის 4 ივნისიდან 1920 წ. 4 იანვრამდე) რესპუბლიკის ჯარების სამხედრო სასამართლოს სესიისათვის ყველა სამხედრო ნაწილების, დაწესებულებათა, უწყებათა უფროსთ და სახალხო გვარდიის მთავარ შტაბს ევალეობათ დაუყოვნებლივ შეადგინონ სიები სამხედრო ნაწილ-მსაჯულთა იმ ანგარიშით, რომ ყველა სიები წარედგინოს სამხედრო სასამართლოს არა უგვიანეს 1 ივლისისა.

სიათა შედგენის დროს საჭიროა ხელმძღვანელობა შემდეგ მოსახრებათა:

ა. ოფიცერთა, სამხედრო მიხედვითა და ჯარის კაცთა სიები უნდა შედგენილი იყვნენ ცალ-ცალკე.

ბ. სიაში სრულიად არ უნდა იყვნენ მოთავსებულნი ის პირნი: 1) რომელნიც იმყოფებიან სამართლის ან გამოძიების ქვეშ, 2) შეზღუდული უფლებებით, 3) ჯარის კაცნი, რომელთაც უმსახურიათ სამხედრო უწყებაში ერთ წელიწადზედ ნაკლები და ოფიცერნი, რომელთაც უმსახურიათ ოფიცრის ხარისხში არა ნაკლებ სამი წლისა, 4) რომელნიც გამოაცხადებულნი არიან არ გადამხდელ მოვალეებად, 5) ვინც წერა-კითხვა არ იციან (ქართულად ან რუსულად), 6) ვინც ლაპარაკი არ იცის ქართულად.

გ. არ შეიტანება აგრეთვე სიაში ის პირნი: 1) რომელთა უფლებაც ეთანასწორება დივიზიის უმფროსის უფლებას ან და თვით დივიზიის უფროსები და მათზედ უმაღლესი პირნი, 2) სამხედრო სამინისტროს კანცელარიის ხარისხოსანნი, 3) სამხედრო სასამართლოს უწყების ხარისხოსანნი, 4) ოფიცერნი, რომელნიც სპეციალურ სასწავლებელში სწავლობენ, 5) ჰოსპიტლების ექიმები.

დ. იმ პირთა გასწვრივ, რომელნიც შესატანი არიან სიაში და თანამდებობის მიხედვით აუცილებლივ უნდა განთავისუფლდნენ, შენიშვნაში უნდა დაიწეროს, რომ უნდა განთავისუფლდნენ.

იმ პირთ, რომელნიც იმყოფებიან შევებულებაში ან ავითამყოფობენ, ასეთივე სათანადო შენიშვნა უნდა გაუკეთდეს.

სიებზე, შედგენილნი ზემო ნახსენებ პირობათა მიხედვით, უნდა შეამოწმოს სამხედრო ნაწილის უფროსმა და ნაწილის ბინადრობის ჩვენებით უნდა წარედგინოს სასამართლოს ზემო აღნიშნულ დროისათვის.

თუ სიების შედგენის დროს რაიმე გაუგებრობა დაიბადა, სამხედრო ნაწილების უფროსი უნდა შეეკითხოს განმარტებისათვის სამხედრო სასამართლოს უფროსს.

თუ რაიმე მიზეზის გამო სათანადო ნაწილიდან (დაწესებულებიდან, უწყებიდან, სახალხო გვარდიიდან) სიები ვერ წარედგინა სასამართლოს, მაშინ ნაწილის უფროსი ვალდებულია ამცნოს სასამართლოს თუ რა მიზეზით დროზედ არ წარედგინა სია და როდის წარედგინება იგი.

კანონი: დროებით მიღებული კანონი, გამოცხადებული ბრძანებაში სამხედრო უწყების მიმართ 1917 წ. № 336.

7 ივნისი 1919 წ. ქ. ტფილისი.

№ 126

ჩემს განკარგულებაში მყოფმა პოლკოვნიკმა ინჟინრველმა მოხსენებით შემატკობინა, რომ თანახმაა მოწერილობისა, ამ წლის ოთხ ივნისს გაემგზავრა ქალაქ ონში სამსახურის გამო.

ცნობა: პოლკოვნიკ ინჟინრველის პიტაკი ამ წლის 4 ივნისიდან № 47.

14 ივნისი 1919 წ. ქ. ტფილისი.

№ 127

§ 1.

საბეითლო განყოფილების უფროსმა ჩხენკელმა წერილობით მომახსენა, რომ ის 6 ამ თვეს გაემგზავრა მუხრანში სამთო საზარბაზნო ბატარეის ცხენების დასათვლიერებლად და 7 ამავე თვეს დაბრუნდა უკან.

ცნობა: მოხსენება ბეითლის ჩხენკელისა № 557.

§ 2.

ჩემთან მყოფმა მინდობილობათათვის გენერალმა გენერალ-მაიორმა კონიაშვილმა მომახსენა, რომ თანახმაა ჩემი ბრძანებისა, 12 ივნისს გაემგზავრა დუშეთს იქ მომხდარი ინციდენტის გამოსაძიებელ კომისიაში მონაწილეობის მისაღებად.

17 ივნისი 1919 წ. ქალ. ტფილისი.

№ 128

ჩაითვალონ გამგზავრებულად სოხუმის ფრონტზე დროებითი სამხედრო სასამართლოს სესიაში სამხედრო მსაჯულები კოლეცკი სოვეტნიკი დავიდოვიჩი და პრაპორშნიკი წიფიციძე, და მდივნებათ მათთან: გუბერნსკი სეკრეტარი თაყაიშვილი და სამხედრო მოხელე ნოზაძე, ამ წლის აპრილის 20-დან.

17 ივნისი 1919 წ. ქ. ტფილისი.

№ 129

ამასთანავე ვაცხადებ სამხედრო სასამართლოს განაჩენისამონაწერს პოლკოვნიკ ბოლღაშვილის საქმის შესახებ:

რესპუბლიკის ჯარების სამხედრო სასამართლომ 1919 წლ. 25 მაისის სხდომაზედ, რომელშიაც მონაწილეობას იღებდნენ ნაფიცი მსაჯულნი გენერალ-მაიორი როინიშვილის თავმჯდომარეობით, გააჩნია საქმე შტან პოლკის უფროსის თანაშემწის ზაქარია ივანესძის ბოლღაშვილისა რომელსაც ბრალდებოდა განზრახ თავის უფროსის ბრძანების აუსრულებლობა ე. ი. ისეთ საქციელი, რომელიც გათვალისწინებულია ლიტ. „ა“ 105 მუხ. ს. დ. ქ. 1869 წ. XXII წიგნ. მე-4 გამოცემით, და იხელმძღვანელა რა სამხედრო სასამართლო წესდების 910, 915 და 1129—1155 მუხ. მუხ. დაადგინა:

1) პოლკოვნიკი ზაქარია ივანესძე ბოლღაშვილი განზრახ თავის უფროსის ბრძანების აუსრულებლობის ბრალდებაში ცნობილ იყოს უდანაშაულოთ და სასამართლოსგან გამართლებულად.

17 ივნისი 1919 წ. ქ. ტფილისი.

№ 130

სამხედრო მინისტრის განკარგულებაში მყოფმა გენერალ-მაიორმა წულუკიძემ პიტაკით 26 მაისიდან ა/წ. შემატყობინა, რომ ვაემგზავრა ქ. ახალციხეში კვლევა-ძიების წარმოებისათვის. აღნიშნული გენერალი ითვლებოდა მის მივლენილობაში შემოდასახელებულ რიცხვიდან.

17 ივნისი 1919 წ. ქ. ტფილისი.

№ 131

ჩაითვალონ დაბრუნებულად მივლენილობიდან სოხუმის ფრონტზე დროებითი სამხედრო მსაჯულები კოლეცკი სოვეტნიკი დავილაიჩი და პრაპორშჩიკი წივწივაძე; მდივნები მათთან: გუმბერსკი სეკრეტარი თაყაიშვილი და სამხედრო მოხელე ნოზაძე ამ წლის მაისის 20-დან.

სამხედრო მინისტრის მავიერ
გენერალ-მაიორი გუდგვანიშვილი.